

ՀԱՅՈՑ ՊԱՏՄՈՒԹՅԱՆ ՀԻՄՆԱՀԱՐՑԵՐԻՆ ՆՎԻՐՎԱԾ ԳԻՏԱԺՈՂՈՎ

ՀՀ ԳԱԱ պատմության ինստիտուտը, Հայ առաքելական եկեղեցու Արցախի թեմը և Լոս Անջելեսում հեռարձակվող «Վարդանանք» հեռուստատեսային զրուցահանդեսը նոյեմբերի 13–15-ը կազմակերպել էին «Հայկական լեռնաշխարհը Հայոց և Համաշխարհային քաղաքակրթության բնօրրան» բնաբանով գիտաժողով: Թե՛ զեկուցումների ընդգրկած թեմատիկան և թե՛ զեկուցողների մասնագիտական լայն ընդգրկումը, գիտության զանազան բնագավառների ներկայացուցիչների մասնակցությամբ, երկու ակնհայտ իրողությունների վկայություն էր: Նախ, կուտակված խնդիրները կարոտ են լուծումների հայագիտական մեթոդաբանությամբ, և երկրորդ՝ գիտական և հասարակական լայն հնչեղություն ունեն:

Գիտաժողովի բացմանը ողջունյի խոսքով հանդես եկան Արցախի թեմի առաջնորդ Պարզև արքեպիսկոպոս Մարտիրոսյանը և Պատմության ինստիտուտի տնօրեն Աշոտ Մելքոնյանը:

Գիտաժողովը տևեց երեք օր: Տեղի ունեցավ ինը նիստ, այլազան բնագավառների մասնագետների կողմից ներկայացվեցին 41 զեկուցում:

Գիտաժողովի բնաբանին անմիջականորեն առնչվող զեկուցումներով հանդես եկան Էմմա Խանգադյանը, Հակոբ Սիմոնյանը, Արասկ Գնունին (հնագիտության բնագավառ), Աշոտ Գրիգորյանը (ճարտարապետություն), Անի Ութուկյանը, Սարգիս Պետրոսյանը, Մուրադ Օհանյանը, Համլետ Մարտիրոսյանը, Գոհար Վարդումյանը, Սուրեն Մարտիրոսյանը, Վարդան Ասատրյանը, Ռոբերտ Ղազարյանը (պատմություն, բանասիրություն և ազգագրություն), Տիգրան Մկրաչյանը, Լեսինդ Ղազարյանը (երկրաբանություն), Սամվել Շահինյանը, Վահան Տեր-Ղազարյանը (քարանձավագիտություն), Վաչե Պետրոսյանը (խաչքարերի մեկնաբանությամբ) և Կարեն Թոխաթյանը (ժայռապատկերներ):

Աշոտ Մելքոնյանն անդրադարձավ Գուգարաց աշխարհի Զավախքի գավառին, որպես պատմական Հայաստանի տարածք, և այդ իրողությունը ժխտող պատմագիտական խեղաթյուրումներին:

Էդուարդ Դանիելյանը Վասիլի Թալրյանի հետ համատեղ զեկուցումով արծարծեց Հայության տեղեկատվական անվտանգության հիմնախնդիրների լուծման գործում պետական հայեցակարգի մշակման կարևորությունը, քանզի որոշ Հրապարակումներում Հայոց պատմական ժառանգության աղավաղումները բոլոր հիմքերը տալիս են բարձրացնելու համար այդ հարցը:

Ալրերտ Մուշեղյանի զեկուցումը նվիրված էր Մովսես Խորենացու պատմական հայեցակետին, ըստ որի Մեծ Հայքի Այրարատ նահանգն ի սկզբանե եղել է Հայկի ցեղի նահապետների ժառանգության երկիրը, և որ միևնույն Արարատ անունով են կոչվել թե՛ Հայաստանի այդ նահանգը և թե՛ ամբողջ Հայաստան երկիրը:

Հայոց պատմութեան վաղ և միջնադարյան շրջանին առնչվող հարցերով հանդես եկան Էմմա Կոստանդյանը, Հասմիկ Մարգարյանը, Գագիկ Պողոսյանը, Երվանդ Մարգարյանը և Վրեժ Վարդանյանը:

Վարդան Հովհաննիսյանն անդրադարձավ այն իրողութեանը, որ XIX դարի վերջին և XX դարի սկզբին մեծ թափ առած ռեիզիոնիզմը, այս դեպքում հայոց պատմութեան վերանայումը, տեսական նախերգանքն էր Հայոց Մեծ եղեռնի գործնական կիրառման, ինչպես նաև անդրադարձավ այդ «վերանայման» թողած բացասական ազդեցութեանը հայ մտքի վրա ընդհանրապես, և այլոց կողմից հայ մշակույթի յուրացման փաստին, ուստի հայրենի հայագիտութեան պարտքն է վերականգնել պատմական ճշմարտութիւնը:

Արտակ Մովսիսյանն իր զեկուցման մեջ բարձրացրեց հայ ժողովրդի կազմավորման և Հայկական լեռնաշխարհում պետականութեան սկզբնավորման թվագրումների, ինչպես նաև այդ առնչութեամբ որոշ պատկերացումների վերանայման անհրաժեշտութեան հարցը:

Ալիբերտ Ստեփանյանի զեկուցումը վերաբերում էր պատմութեան քաղաքակրթութեան չափմանը:

Արթուր Շահնազարյանն անդրադարձավ հայոց էթնիկական պատմութեան համակարգում և հայագիտութեան մեջ մեթոդաբանական բարենորոգումներ կատարելու, մասնավորապես «հում» և առավել ամբողջական նյութի համակարգման անհրաժեշտութեանը:

Վահան Սարգսյանը և Լեյլա Ստեփանյանը անդրադարձան Հայկական լեռնաշխարհից տեղական միգրացիայի էթնիկական ու մշակութային ազդեցութիւններին, առաջինը՝ բասկերի, և երկրորդը՝ պոլինեզացիների առնչութեամբ:

Սիմոն Կամսարականը ներկայացրեց Հայրենիք երևույթի բնագիտական էութեան մասին իր տեսութիւնը:

Սիմոն Աղաջանյանը զեկուցեց Արարատյան թագավորութեան մի սեպագիր արձանագրութեան հայերեն ընթերցման փորձի մասին:

Հայոց այբուբենին և նրա համակարգին առնչվող հարցերի անդրադարձան Սամվել Գրիգորյանը, Սամվել Բեկթաշյանը, Կարլեն Ավետիսյանն ու Մովսէս Նաջարյանը:

Արմեն Դավթյանն ու Սամվել Բաբայանը խոսեցին կենդանակերպի համաստեղութիւնների հայոց հետ առնչվող հարցերի մասին:

Գիտաժողովի արդյունքներն ամփոփեցին Աշոտ Մելքոնյանն ու Էդուարդ Դանիելյանը՝ շեշտելով գիտաժողովի շարունակականութեան անհրաժեշտութիւնը: